

Phra' kham dé' koon ngaak
go' oor da'

Lwang bang ah
Phra' Yésu



Gôn kooc: Edward Hughes

Gôn tèèng hruup: M. Maillot
Alastair Paterson

Gôn kdoon: E. Frischbutter; Sarah S.

Gôn tèèng hrlo': www.Christian-translation.com

Gaay caak: Bible for Children
www.M1914.org

©2022 Bible for Children, Inc.

Sit: Mé ah sit kooc uun lwang gi, 'nay mé am ah sit téc no.



Mw si' gni', Phra' Cav go' srông
thévada Khabrién yoh phwa gaay
coro cmkwn môôy gôn
Jiiv sngmeh ya' Maria.




Thévada lav yo' na sah, " Ba ci kduum
koon hôôc ah meh cmbro', an pnme
sngmeh Yésu. Koon ba ah gni' ci
meh gôn smkhan, briang ci k'eey
ge meh koon dé' Phra' Cav yo'ge
jông prveey lôôc jwm nèèv.
Ge ci kh rôk-khroom am ah

mw swt mw
lôôc 'môôy dwa."



"Lwang gi ci yar bwan nèèv me'?"
Ba go' maañ. "Ô' am da' yat mah
broom cmbro'." Thévada go'
maañ Maria sah koon ngaak gi
ci yat aar Phra' Cav. Ci am ah
yông meh Koon Mnut.



Hôôc, Thévada go' maañ Maria sah ya'
thav Élisabét koon gaang dé' ba swng
briang jo lav na meh ma'
hmar, na go' hnoong
kduum koon cmbro'.
Gi go' meh môôy
thrni' swng. Hôôc,
Maria yoh hep
Élisabét. No
'yaay pan yo' dé
sanraseen Phra' Cav.



Maria meh khu hman
cmbro' môôy gôn sngmeh
Yôsép. Yôsép lm'maak
hrñwam srme' mwa neeng
Maria kduum koon.
Ge go' lav yo' loh
dé sah môôy
cmbro' gôn
gbang meh yông
dé' koon ngaak gi.



Da' môôy mw, Phra' Cav go' srông
thévada yoh maañ Yôsép sah koon
ngaak gi meh koon dé' Phra' Cav.
Yôsép go' jooy khooy Maria
khwang yo' Phra' Yésu.



Yôsép go' dwwm kap méc krloh srô' dé' Phra' Cav.
Ge go' méc kô-t-maay dé' anacak mình. Yoor sah kô-t-
maay hmmé', ge kap Maria
yoh da' Bétléhém meh
mwang keet dé'
no, yoh phwa



ci kooc sammanôkhua broom yo'.




Ñaam sna hnoong yat
hni' go' root mông
ya' Maria ci muum
ôm vaar.



'Nay Yôsép am sook
guuñ bwan môôy
gaang hmeh. Gaang
hrlu' 'moon hni' kiñ
am bay ah kluang
suam an sna yat.



Yôsép da' knswt go' sook guuñ môôy kluang dé' tô
kè'. Yat da' gni', Phra' Yésu go' bwan keet. Ma'
dé' Ge yo' Ge da' hmpuuy cit
môôy grook tô, kluang dé'
sngbe' sngmah
dé' rnjôh.



Yat tviing gni' ah gôn liang tô kè' da' hrna, no yat
poyh tô kè' dé' no ñaam pswam. Ah thévada dé'
Phra' Cav root pnklé' an no guuñ kap
bwan dwang khaav
le' khaav
thro' gaay
'mook
bo dé'.



"Da' mw sgi ah Phra' Khrit Cav juur keet da' mwang Davit. Ge gôn gni' ci jooy an bo ptwng lôôc klah 'maap. Bo ci yoh bwp koon ngaak gôn gni' ah smpwl hmbo' loh dé' ge, psih da' hmpuuy cit. Gni' meh 'maay smkhan

an bo neeng sah meh koon ngaak yo' ô' 'mook bo dé'."



C'man gni' ah thévada gw' ông gaay yat
broom thévada ông gni' hôôc go' oor
yo' sanraseen Phra' Cav lav sah: ...



"Sanraseen Phra' Cav Ông yo'ge jông swt da'
mwang svan. Khro an kmhmu' mnut jwm
gôn yo' Phra' Ông bo hrñwam da'
lôôk gi ah santisuk."



No go' baav oor yo' kluang, lè' koon ngaak gni' ge sih
yat da' hmpuuy cit. Ñaam bwwng gôn liang kè' bwan
guuñ koon ngaak ni' hôôc no go' hlian yoh pntuun
nèèv dé bwan méc root lwang Phra' Yésu.



Mwa puul-gal mw, Yôsép kap
Maria go' oor koon ngaak gni'
khwan da' vihaan mwang
Yérusalém. Yat da'
gni', ah cmbro'
môôy gôn sngmeh
Siméôôn sanraseen
Phra' Cav yo' Koon
ngaak, da' ñaam thi
gni' Ba Anna, môôy
gôn rapsay gbang
dé' Phra' Cav,
go' sanraseen.



No go' neeng Phra' Yésu meh
Koon dé' Phra' Cav, meh Phra'
Ông hmwan dôk hrlo' suk.

Yôsép go' phrak baar
tô siim. Kôt-maay dé'
Phra' Cav go' 'mook
uun sah bwwng gôn
thuk rôôk thvaay
grwam busa hmwan
da' ñaam thi thvaay
koon ngaak an
yo' Phra' Cav.



Môôy graav hôôc,
ah môôy srméñ
trnaay go' oor
bwwng Gôn Hér
gaay caak môôy
anacak yat

da' trdaap da' Yérusalém.
"Ge yat da' me', Ge keet meh
Cav dé' gôn Jiv?" no go' maañ.
"Í cu' an namatskaan Ge."





Cav Hérôôt go' méc ñak
bwwng Gôn Hér. Ah
hngvvaay thuk hrñwam,
ge hrlo' khro no mook
ge neeng mwa guuñ Phra'
Yésu. "Ô' go' cu' an
namatskaan Ge," Hérôôt
go' lav. 'Nay ge go'
lav laak. Hérôôt cu'
an phaan Phra' Yésu.



Srméñ trnaay go' oor bwwng Gôn Hér da'
grop gaang Maria kap Yôsép hnoong blwar
bloom Koon Ngaak. No
go' kmnuun juur nôp tang
namatskaan, no thvaay yo'
Phra' Yésu maak kmuul kap
ôm h'wr.



Phra' Cav go' lav yo' bwwng
Gôn Hér du' na vér gaay da'
gang da' thrni' léét. Hérôôt
go' giat. Ge matti' tôk-lông
phaan Phra' Yésu, cav sua go'
phaan bwwng koon ngaak
cmbro' da' Bétlém.



'Nay Hérôôt am
phaan bwan Koon dé'
Phra' Cav! Bwan vér
gaay coro da' ñaam
thi sih looc, Yôsép
go' oor Maria kap
Phra' Yésu da'
kluang le' lwnn
yat da' Egypt.



Mwa Hérôôt go'
haan, Yôsép go' oor
Maria kap Phra' Yésu
da' Egypt vér gaay.



No go' blwar yat da'
mwang ñè'-kooc Nazareth,
gaay root léh saap Khéénnésarét.



Lwang bang ah Phra' Yésu

Môôy lwang gaay caak Krloh srô' dé' Phra' Cav,
Phra' kham

bwan guuñ yat da'

Matthaay 1-2 Luka 1-2

"Ngor dé' Krloh srô' go' oor da' sèèng trbah."
Phra' kham 119:130



Da' knswt



Lwang Phra' kham gi mook í neeng ñak Phra' Cav hnam jông,
Ge keet í kap meh Ge cu' an mé neeng ñak Ge.

Phra' Cav neeng í tènèng bwwng lwang sua, Ge lav meh 'maap.
Bwp thôôt yo' 'maap meh haan, 'nay Phra' Cav yo' ô' rak mé
maak Ge go' srông koon cmbro' knmôôy gôn dé' Ge, Phra' Yésu,
haan da' s'oong klnèng kap bwp thôôt yo' 'maap dé' mé. Hôôc
Phra' Yésu reh caak haan kap na go' vér gaay svan 'moon le'
'moon sm'maay! An mé dwwm Phra' Yésu kap khro an Ge hrlo'
klwyh hrlo' 'maap, Ge ci tènèng lwang thrgi! Ge ci go' yoh da'
kap yat broom mé gay kap mé ci yat broom Ge am laac yoh
'môôy bat.

An mé dwwm gi meh srme', yoh maañ Phra' Cav sah:
Naay eey!, Ô' dwwm Ge meh Phra' Cav, kap ci meh gôn haan
yoor sah 'maap dé' ô', kap 'nay kh'ni' Ge reh caak haan. Khro
an Ge yoh da' blah ô' kap hrlo' klwyh hrlo' 'maap dé' ô', lèèv ô'
ah jua hmmé', kap môôy mw hmeh ci bwan yat broom Ge am
laac yoh 'môôy bat. Khro an Ge tènèng hmeh yo' ô' méc krloh
srô' dé' Ge kap blwar yoor sah Ge meh koon dé' Ge. Amen.

Aan Phra' kham kap maañ Phra' Cav jwmmw! Yôhan 3:16

